

湖南苗屯政考

7 邊 4  
1932  
14



門 7 4  
號 1382  
卷 14



湖南苗防屯政考卷十二

二品銜前署湖南辰永沅靖道但湘良纂

弁勇

詳請頒給新設屯弁分駐段落鈐記 嘉慶十一年

湖南布政使司 韓 封

為詳咨事奉 憲臺批據辰永沅靖道傅爾詳鳳凰乾州永綏並古丈坪保靖等廳縣均田屯勇設立屯干把外委管帶練勇並經理礮卡丁田倉貯必須給發鈐記以昭信守而專責成除額外一項毋庸頒給外合將干把外委各弁應駐扼要地方酌擬字樣造冊詳請批司刊頒轉給等情奉批仰布政司查照冊開各鈐記轉

飭理問所迅速督匠照式刊刻移道給領具報冊併發仍繳等因奉此並准該道造冊移司刊刻前來本司查該道冊造鳳乾永古丈坪保靖等廳縣設立千把外委屯弁應刊鈐記核與前奉 憲臺會 奏苗疆經久章程條款內應設千把外委屯弁員名數目相符除諭飭本司理問照依該道擬定字樣並查照歷來營弁刊刻鈐記式樣長二寸四分闊一寸三分五釐用梨木刊刻正字四圍背柄點錫包裹移送給領應用外查各營武職官弁應須鈐記由司刊頒例應將刊刻字樣造冊詳資 大部立案今鳳乾永等廳縣設立屯弁前經籌議條款內聲明即於廳標現在候補把總外委及熟悉邊情之營弁內遴選挑補五年俸滿把總外委額外

遇有缺出遞相拔補咨 部給劄千總准以苗疆守備 題補則

該屯弁即與營制武弁無異所有由司刊刻鈐記相應造具清冊

詳請 憲臺俯賜查閱咨送 大部查核

計開

鳳凰廳

屯千總四缺

鳳凰廳管帶同全坡練勇屯千總之鈐記

鳳凰廳管帶新場堡練勇屯千總之鈐記

鳳凰廳得勝營屯千總之鈐記

鳳凰廳永安卡屯千總之鈐記

屯把總四缺

鳳凰廳分帶同全坡練勇屯把總之鈐記

鳳凰廳分帶新場堡練勇屯把總之鈐記

鳳凰廳分駐麻陽縣城屯把總之鈐記

鳳凰廳分駐浦市屯把總之鈐記

屯外委八缺

鳳凰廳分帶同全坡練勇屯外委之鈐記

鳳凰廳分帶新場堡練勇屯外委之鈐記

鳳凰廳分駐定勝卡屯外委之鈐記

鳳凰廳分駐舊司坪屯外委之鈐記

古丈 鳳凰廳分駐羅天寨屯外委之鈐記

鳳凰廳分駐浪中江屯外委之鈐記

鳳凰廳分駐巖門屯外委之鈐記

鳳凰廳分駐四都坪屯外委之鈐記

乾州廳

屯把總一缺

乾州廳分駐新街堡屯把總之鈐記

屯外委一缺

乾州廳分駐灣溪屯外委之鈐記

永綏廳

屯干總二缺

永綏廳花園屯干總鈐記

永綏廳茶洞屯干總鈐記

屯把總二缺

永綏廳分駐獅子橋屯把總之鈐記

永綏廳分駐弭諾屯把總之鈐記

屯外委二員

永綏廳分駐吉洞坪屯外委之鈐記

永綏廳分駐潮水溪屯外委之鈐記

古丈坪廳

屯把總一缺

古丈坪廳分駐龍鼻嘴屯把總之鈐記

保靖縣

屯外委二缺

保靖縣屯外委鈐記

保靖縣分駐印山臺屯外委之鈐記



升補又遺出把總一缺計共三缺共擬正副六員飭赴 憲轅聽候 鈞定其應行遞拔之外委額外仍遵照原案由道拔放詳請咨部正在札調各弁來算考驗具詳聞茲據鳳永乾州古丈坪保靖五廳縣屯千總吳貴張友升閔宏瑞蔣雄郭金章屯把總田興章田祖升滕宏捷張國柱李占春周蓮仲田萬興率同屯外委額外等稟稱弁等分帶丁勇駐防礮卡經營屯田屯倉任事已來甫將一載茲奉札飭於各弁中調取把總外委共六員祇候申送撫部院考補千總把總遺缺屢蒙超拔感悚難名自應卽日起程馳赴考驗惟現值屯丁栽插之時弁等各依派定段落往來催耕並稽查礮卡支放口糧等事頭緒紛繁均關緊要若以六人同時

赴省另委兼辦誠恐照察難周或有貽誤又苗疆距省一千一百餘里往返需時一切路費微弁等急切未能設措伏查營制千總缺出分別歸 撫憲 督 提憲考拔把總等缺由本標總鎮考拔又

查三廳把總外委由該廳送道拔補各在案上年奏設屯弁係將千總把總兩項俱送前 撫憲考驗拔放此次應補各缺可否只將應考屯千總各弁申送其屯把總各缺請援照三廳標弁之例詳明由道拔補則現在赴省之弁僅須兩員於屯務不致有叢脞之慮實爲恩便等情查上年詳請升任 阿撫憲拔補屯千總把總共十四員原因屯政初設必應一併送考以昭慎重未及將千把兩項人員分別請定考拔章程今千把各有缺出送考之弁共

有六員該屯弁等以催督屯耕未便同時晉省並因程途稍遠資  
 斧維艱合詞具稟均係實在情形至三廳把總外委由道拔補之  
 例 職道 調查原案久奉 兵部議准遵行今苗疆所設屯弁 奏  
 明各歸廳縣管轄總隸辰沅道統屬考核似與三廳標弁事同一  
 律不敢壅於上 聞可否俯如該屯弁所請將屯把總各缺即由  
 職道 考驗詳請 以示體卹之處理合據情轉稟恭請 訓示如蒙  
 鈞允所有永綏屯千總一缺即遵選屯把總二員申送考拔其所  
 遺屯把總各缺 另容挑補分案具詳

部覆五廳縣添設屯守備六員

嘉慶十四年六月准咨

兵部為遵

旨議

奏事內閣鈔出湖南巡撫景安奏稱據現陞湖南臬司辰沅道傅  
 爾詳稱湖南鳳凰乾州永綏古丈坪保靖瀘溪麻陽七廳縣均田  
 屯勇前經奏淮安設屯弁經理惟查各廳縣屯丁七千名練勇一  
 千名均專派各屯弁管帶調遣其各路均出歸屯田畝及續後開  
 墾並官贖苗當民田共計田土八萬五千六百餘畝一切督耕催  
 租等事亦責成各屯弁管理人數既多田畝亦復不少僅設屯干  
 把外委等四十員名實有難以兼顧之勢又挑畱苗兵五千名原  
 派苗弁管帶其先後苗繳叛產佔田及苗人呈出田土共四萬二



千一百餘畝亦令苗弁召佃收租支發口糧因苗弁經理未能盡善歷年均由道委員幫同管帶苗兵並監同催租支放尚皆妥協第所委之員均非現任不時更換亦非長計且統計屯丁練勇苗兵共一萬三千名僅止屯干把外委及派委徵末員弁管帶難資約束設將來遇有征調更恐不能得力請添設屯守備六員分駐各廳縣就近經理鳳凰廳丁勇苗兵七千名擬添設屯守備三員永綏廳屯丁苗兵三千八百名擬添設屯守備二員乾州古丈坪保靖三廳縣共屯丁苗兵二千二百名擬添設屯守備一員責令操演丁勇苗兵經管鎗械子藥軍裝其督理催租等事一體責成該守備等董率各屯弁分理仍歸辰沅道統轄俾得遞相稽核所

有員缺應請於熟悉苗情屯務之營員及屯干總內遴選升調至原設屯弁四十員分辦五廳縣屯務實屬不敷並請添設屯把總二員外委四員額外外委四員酌量派駐與原設各屯弁分理屯務一體歸廳縣管轄至挑丁投田等事仍照舊章均歸廳縣管理守備不准干預該守備亦當予以升階應請照苗疆營守備之例定以五年俸滿如果始終奮勉准以營都司題升所需分例照依營制守備每員歲支銀三百三十餘兩把總每員歲支銀一百四十餘兩外委每員歲支銀五十餘兩額外外委照馬兵分例每員歲支銀三十餘兩共歲支銀一千六百七十餘兩查近年鳳永二廳屯丁陸續開墾田二千六百九十餘畝現屆成熟請卽以屯

田召佃承種收租變價足敷支給統歸屯防案內一並造報等情  
詳請具奏前來奴才當於巡閱之次就近詳加體察委屬實在情  
形並咨會督臣公同酌核意見相同相應奏懇

皇上天恩俯如所請准其分別增設俾辦理得有專責又有分司而應  
支分例現有續墾田地召佃收租足敷支給即無須請動帑項  
而於屯防益臻周妥可垂久遠並飭將現在墾熟田二千六百九  
十餘畝即行清丈召佃收租備支有無餘剩核實造報理合會同  
湖廣總督臣汪志伊恭摺具奏等因一摺於嘉慶十四年四月十  
九日奉

硃批該部議奏欽此欽遵於本月二十日鈔出到部臣等伏查嘉慶十

年十二月內經大學士會同戶兵二部議覆湖南巡撫阿林保等  
奏湖南鳳凰乾州永綏三廳保靖縣古丈坪廳均田案內共田六  
萬一百餘畝設立屯兵七千名練勇一千名分授田畝添設屯千  
總六員把總八員外委十三員額外外委十三員共四十員名分  
守駐劄管理屯田操演練勇各事宜該員等歲支銀兩即在於餘  
田租息項下支給其千總一項五年俸滿如果訓練有方民苗相  
安由該道保送該督送部引

見回任以苗疆守備 題補其把總外委額外外委缺出由該道於苗  
疆營員及屯弁內揀員詳明巡撫考拔咨部辦理等因奏准在案  
今據湖南巡撫景安奏鳳凰乾州永綏古丈坪保靖瀘溪麻陽等

處七廳縣陸續開墾並官贖苗當民田共計八萬五千六百餘畝督耕催租等事僅設屯千把總外委等官四十員難以兼顧又挑畱苗兵五千名原派苗弁管帶其先後苗繳叛產佔田共呈出田四萬二千一百餘畝亦令苗弁召佃收租支發口糧因苗弁經理未能盡善厯由道委員幫同辦理第所委之員均非現任不時更換亦非長計且統計屯丁練勇苗兵共一萬三千名僅止屯千把外委微末員弁難資約束設將來遇有征調更恐不能得力應添設守備六員就近經理等語查湖南鳳凰各廳縣地畝既經陸續加增屯丁練勇苗兵共計一萬三千名人數眾多僅設千把外委等官自不足以資經理今該撫奏請添設守備係爲總理屯務管

轄丁勇起見應如所奏鳳凰廳丁勇苗兵七千名准其添設屯守備三員永綏廳屯丁苗兵三千八百名准其添設屯守備二員乾州古丈坪保靖三廳縣屯丁苗兵二千二百名准其添設屯守備一員其操演丁勇苗兵並鎗械軍裝子藥督理催租各事宜均責令該守備專管仍歸辰沅道統轄至挑丁授田等事仍照舊章歸廳縣管理守備不得干預所有守備員缺由辰沅道會同營員於熟悉屯務苗情之營員及屯千總內揀員詳送該督題請升調如果始終奮勉照苗疆守備五年邊俸之例辦理至該撫奏稱原設屯弁四十員分辦五廳縣屯務實屬不敷請添設屯把總二員外委四員額外委四員酌量派駐與原設各屯弁分理屯務等

湖南鳳凰等五廳縣添設屯千把外委等語查前經該撫奏請於湖南鳳凰等五廳縣添設屯千把外委等官四十員今該撫奏稱鳳凰乾州永綏古丈坪保靖瀘溪麻陽七廳縣先經開墾及苗人呈出田共十二萬七千七百餘畝請添設屯守備六員把總等官十員分駐鳳凰等五廳縣分理屯務而此次瀘溪麻陽二處應否分派屯弁該撫並未分晰聲明如開墾田畝在瀘溪麻陽地方距鳳凰五廳縣較遠自應另酌添屯弁以資經理若仍在鳳凰等五廳縣境屬可否卽令原設屯弁四十員並新添屯守備六員就近分撥管理或必須另添屯弁之處應令該撫詳查具奏到日再行核議又奏稱守備所需分例照依營制守備每員歲支銀三百三十餘兩把總每員歲支銀一百四十餘兩

外委每員歲支銀五十餘兩額外委照馬兵分例每名歲支銀三十餘兩共歲支銀二千六百七十餘兩查近年鳳永二廳屯丁陸續開墾田二千六百九十餘畝現屆成熟請以召佃收租變價足敷支給統歸屯防案內一並造報毋庸另動帑項並現在墾熟田二千六百九十餘畝卽行清丈召佃收租備支有無餘剩核實造報等語戶部查前項請添設屯把總外委額外等官十員名現經兵部議令查明是否必須添設另行詳議具奏各該弁歲需分例銀兩應俟覆奏到日戶部再行核給所有添設屯守備六員既經兵部議准添設其聲請照依營制守備每員歲給分例銀三百三十餘兩亦應如所奏辦理仍令該撫將鳳凰永綏二廳屯丁

現在墾熟田二千六百餘畝卽飭速行文清召佃收租變價爲支給添設守備分例之用餘剩歸公統於年終分別造冊送部查核至添設守備應建衙署刊給鈐記及一切應辦事宜應令該撫另行妥議到日再行核覆再此摺係兵部主稿合並聲明所有臣等遵

旨核議緣由理合恭摺具奏嘉慶十四年五月初九日奉旨依議欽此

部覆陞調添設屯守備 嘉慶十五年二月准咨

兵部謹奏爲遵

旨核議具奏事內閣鈔出湖廣總督汪志伊奏湖南鳳凰廳等處添設屯守備六缺請將韓仲富等陞調等因一摺於嘉慶十四年十二月初六日奉

硃批兵部議奏欽此欽遵於本月初七日鈔出到部臣等覆查嘉慶十四年四月內經湖南巡撫景安奏稱湖南鳳凰乾州永綏古丈坪保靖瀘溪麻陽七廳縣開墾屯田並苗人呈出田土共十二萬七千七百餘畝僅設千把外委等官難資約束請於鳳凰廳添設屯守備三員永綏廳添設屯守備二員乾州古丈坪保靖添設屯守

備一員分駐經理所有守備員缺於熟悉屯務苗情之營員及屯千總內揀選陞調等因經臣部奏准在案今據該督奏稱查有乾州協營守備韓仲富鳳凰廳屯千總吳貴張友陞永綏協守備李可仁俱在苗疆打仗出力歷陞今職候補守備鄭國鴻丁啟麟俱由雲騎尉管帶練勇打仗出力學習期滿引

見發回本省以守備

題補以上六員俱熟悉苗情補授屯守備實屬

人地相宜足收駕輕就熟之效在營守備應以隔府別營人員題補此項添設屯守備六員必須素能經理屯田訓練丁勇並苗弁苗兵悅服愛戴者方能勝任查韓仲富吳貴張友陞鄭國鴻丁啟麟均籍隸鳳凰廳李可仁籍隸永綏廳因該員等熟悉屯務苗

情合無仰懇

皇上天恩准以該員陞調新設屯守備如蒙

俞允請嗣後屯守備缺出不拘本籍外處總以熟習屯務苗情之員

題補以收實效等語查湖南鳳凰各廳縣添設屯守備六缺原因管帶屯勇督理催租等事非熟悉苗情屯務之員弗克勝任自未便泥營守備之例以隔府別營人員題補該員等現在均無事故應如該督所請守備韓仲富准其調補鳳凰廳屯守備李可仁准其調補永綏廳屯守備候補守備鄭國鴻丁啟麟准其補授乾州古丈坪保靖三廳縣屯守備韓仲富李可仁係對品調補候補守備鄭國鴻丁啟麟係世襲雲騎尉學習期滿引

見奉

旨發回本省以守備 題補之員今補授屯守備均毋庸送部至該督請將屯千總吳貴張友陞補授鳳凰廳屯守備之處 臣等查定例屯兵千總歷俸三年始准保 題今屯千總吳貴張友陞歷俸未滿三年與例不符惟守備係新設之缺必資熟手經理屯千總內實無俸滿之員亦應如該督所請屯千總吳貴張友陞准其陞署鳳凰廳屯守備俟送部引

見俸滿後再行實授恭候

命下行令該督將新設屯守備六缺駐劄處所詳細造冊送部再行分別給劄此項新設屯守備係專理屯務與內地守備有經營地方

緝捕之責者有間應請嗣後屯守備缺出毋庸照營守備隔府別營之例辦理總以熟悉屯務並苗兵悅服之員 題補仍照原奏於俸滿保送屯千總及苗疆守備內陞調如此量為變通於屯務邊防均有裨益所有 臣等遵

旨核議緣由理合恭摺具 奏嘉慶十四年十二月二十日奉旨依議欽此





該撫詳查具奏到日再行核議等因奉  
旨依議欽此欽遵行飭查報在案茲據護理辰沅道福順詳稱各路田  
土雖坐落七廳縣地方而屯田仍屬沿邊五廳縣分管是以前請  
添設屯弁十員名酌議分駐鳳凰等五廳縣分理於九月內值臬  
司傅爾查閱苗疆公同面商各處屯田陸續加增散布遼闊非惟  
原設屯弁四十員名不能照料周到即新設屯守備六員亦祇能  
董率其事勢難逐處經營應請仍行另添屯把總二員外委四員  
額外外委四員酌量派撥鳳凰乾州永綏古丈坪保靖並附近瀘  
溪麻陽等處經營以裨屯務等情具稟前來經撫臣景安面加商  
定苗疆田土陸續加增屯務倍繁自應准另添屯弁十員名即於

於屯弁屯丁內以次拔補以期經理無誤其各該屯弁歲需分例  
銀兩仍照原奏飭將續墾熟田二千六百九十餘畝召佃收租同  
新設守備應得分例分別按數支給核實造報會同督臣汪志伊  
恭摺具奏等因一摺於嘉慶十四年十二月二十一日奏奉

硃批

該部議奏欽此

臣

等伏查嘉慶十四年四月經湖南巡撫景安奏

稱湖南鳳凰等處七廳縣先後開墾及苗人呈出田共十萬七千  
七百餘畝原設屯弁四十員名不敷經理請添屯守備六員把總  
等官十員名分駐經理經臣部核議准其於鳳凰廳添設屯守備  
三員永綏廳添設屯守備二員乾州古丈坪保靖三廳縣添設屯  
守備一員至瀘溪麻陽開墾田畝若即在鳳凰等五廳縣附近可

否卽令原設屯弁及新添屯守備就近分管或必須另添屯弁之處該撫並未分晰聲明應令詳查具奏到日再行核議等因奏准在案今據護理巡撫朱紹曾奏稱據護理辰沅道福順詳稱各路田土雖坐落七廳縣地方而屯田仍屬沿邊五廳縣分管是以前請添設屯弁十員名酌議分駐鳳凰等五廳縣分理於九月內值臬司傅爾查閱苗疆公同面商各處屯田陸續加增散布遼闊非惟原設屯弁四十員名不能照料周到卽新設屯守備六員亦祇能董率其事勢難逐處經管必須另添屯弁十員名以裨屯務等語應如所請准其添設屯把總二員外委四員額外外委四員派撥鳳凰乾州永綏古丈坪保靖並附近瀘溪麻陽等處分司經理

卽於屯弁屯丁內以次拔補仍令該撫將添設屯把總等官十員名分派駐劄處所造冊報部核辦至所稱各該屯弁歲需分例銀兩仍照原奏將續墾熟田二千六百九十餘畝召佃收租同新設屯守備六員應得分例分別按數支給核實造報等語戶部查前項屯守備六員先經兵部議准添設其聲請照依營制守備每員歲給分例銀三百三十餘兩之處亦經戶部議准並令將鳳凰永綏二處屯丁續墾成熟田二千六百餘畝召佃收租變賣除支給守備分例銀兩外餘剩歸公應用年終造冊送部備查在案今該撫奏請增設屯把總等官十員名既經兵部議覆准其增設所有各該屯弁分例銀兩現據聲請照依營制把總每員歲給銀一百

四十餘兩外委每員歲給銀五十餘兩額外外委每員歲給銀三十餘兩亦應如該撫所奏准其在於續墾田租變價項下按數分別支給統於年終核實造冊送部備查再此摺係兵部主稿合併聲明所有<sub>臣</sub>等遵

旨核議緣由理合恭摺具 奏奉

旨依議欽此

部覆屯守備調取引

見嘉慶十五年七月准咨

兵部咨開武選司案呈准湖南巡撫汪 咨稱接准咨添設屯守備六缺韓仲富准其調補鳳凰廳屯守備李可仁准其調補永綏廳屯守備候補守備鄭國鴻准其補授永綏廳屯守備丁啟麟准其補授乾州古丈坪保靖三廳縣屯守備屯千總吳貴張友陞俱歷俸未滿准其升署鳳凰廳屯守備行令將新設六缺駐劄處所造冊報部再行分別給劄等因今擬將韓仲富駐劄鳳凰廳新場堡李可仁駐劄永綏廳螺螄壩鄭國鴻駐劄永綏廳花園城丁啟麟駐劄乾州廳城吳貴駐劄鳳凰廳得勝營張友陞駐劄鳳凰廳北關造冊報部並請給劄前來應將該員等駐劄處所註冊查韓

仲富李可仁係現任守備對品調補鄭國鴻丁啟麟俱係候補守備應各給與劄付令其任事吳貴張友陞俱係屯千總升署屯守備例應引

見經本部奏明俟引

見後再行給劄在案應令該督卽行給咨該員等赴部引

見後再行給與劄付令其赴任知照該督可也

湖南布政使司正考 卷十二 仲富李可仁係現任守備對品調補鄭國鴻丁啟麟俱係候補守備應各給與劄付令其任事吳貴張友陞俱係屯千總升署屯守備例應引

詳明屯守備經管事宜

嘉慶十五年

湖南布政使司 朱紹曾

為詳明屯備經管事宜以專責成事案奉 憲臺批據署辰沅道姚道詳稱竊照鳳乾永古保五廳縣添設屯守備六缺業將駐劄處所造冊詳資 憲臺查核一面通行五廳縣知照並行飭該屯備等各在案其各屯備應辦事宜亦應分晰指明以專責成查屯防事件首重清查田畝從前原 奏內各路屯田專設屯弁以資經理今查鳳凰廳之新場堡鳳凰廳之得勝營乾州廳城永綏廳之花園城永綏廳之螺螄壩各駐屯守備一員係專管屯務而設該備等自應督同各弁將各丁佃承種田畝同嘉慶十四年詳明加增礮丁地土實力稽查如有移坵換段並屯丁私行典賣以及

屯丁病故並無子孫承頂而其田土爲他人隱匿盜種者隨時確查究辦遇有屯田水衝沙壓親詣勘明據實具報東作之際催令丁佃及時耕種如有佃戶疲乏以及病故辭退卽會同廳縣並知會屯長另行召佃勿致田畝荒蕪或遇旱潦該備等亦會同廳縣知會屯長詣勘實情報道調劑時屆秋收卽嚴催各佃將是年應納租穀照數上倉倘有玩佃拖欠及混請減租卽行比究所轄屯倉穀石雖有屯長經理出納其有無短虧該備亦應稽察所轄屯丁遵照原奏於每年收割後自十月初一日起至次年正月底止逢三六九日開操仍於春夏秋三時農工稍暇之際不時演習內有農業不勤技藝不熟甚或不守屯規酗酒滋事以及擅離碉卡

倩人頂替者概行責革有逃匿者一面通報一面緝拏其老病逃故及緣事斥革所遺丁缺隨時申移道廳縣選補年終造具各屯丁花名家口細冊送道廳查核所轄各屯弁俸餉馬乾及屯丁紅白惠賞由該備等核明赴道請領給發並扣明弁丁截曠造冊報道備查其屯丁存貯公倉穀石於每月支領時令其先赴該管屯弁衙門領取印票再向屯長支領以憑查核遇有屯弁及百總總旗小旗缺出由該備會同廳縣挑選送道考核分別詳委礪卡牆濠屯倉如有傾圮勘明報道聽候修整其僅止小有損壞卽飭該弁等督令屯丁隨時補葺軍裝藥鉛督同各弁妥爲經理並隨時收檢各廳縣苗兵該備等照依詳定分管苗寨管轄各處集場務

湖南直隸州志 卷十二  
當好爲彈壓毋許市僧侵欺倘有奸民擅入苗地及不肖兵役私  
入索擾立即拏解廳縣懲究所轄苗寨內如有藏匿鎗械椎牛祭  
鬼糾眾仇毆以及裝癩不法等事隨時稽察申移道廳縣立時拏  
究至鳳凰廳北關屯守備一員係專爲管帶練勇而設從前原奏  
鳳凰廳現設屯弁內酌派屯千總二員屯把總二員屯外委一員  
屯額外二員飭令管帶備戰練勇勤慎操演今該備自應督同各  
弁照依營制勤加操演以成精銳如有技藝生疏擅離頂替及不  
守屯規老病無用者卽分別責革一面挑選餘丁由廳送道驗補  
遇有逃匿嚴行緝究並查明逃勇係何弁專管申報道廳照依營  
制參處拔補各屯弁及百總總旗小旗由該備挑選移廳送道考

拔分別詳委百總總旗操馬會否臆壯足額隨時查驗所轄各屯  
弁及各勇鹽糧馬乾紅白惠賞由該備核明赴道請領該備等會  
廳給發各練勇支食口糧令其先赴該管屯弁處領取印票再向  
屯長支領以憑查核年終造具花名家口細冊送道核查軍火器  
械旗幟妥爲經管如有短缺損壞呈請添置修補該備等務須督  
同各弁實力遵辦倘廢弛貽誤責有攸歸其民苗戶婚田土詞訟  
及挑丁授田等事該守備不得干預是否有當理合具文詳請察  
核批示飭遵等情奉批布政司核明移遵具報仍候 撫部院批  
示繳又奉 前護撫部院批所議章程均屬周妥布政司會同按  
察司轉移護道飭令各屯備遵照辦理仍候 督部堂批示各等

因奉此本司等覆查鳳凰乾州永綏古丈坪保靖五廳縣添設屯  
 守備六員其一切應辦事宜原應明晰議定章程指飭遵守以專  
 責成既據該署道具詳到司查核所議各事宜均屬周備除遵奉  
 轉移該道督飭各屯守備務須實力奉行毋稍遺誤廢弛外緣奉  
 前因理合具文呈報

詳明添設屯守備分管地方

嘉慶十五年

湖南布政使司 朱紹曾

為詳明屯守備分管地方以專責成事案奉 憲臺批據署辰沅  
 道姚道詳稱竊照鳳凰乾州永綏古丈坪保靖五廳縣添設屯守  
 備六缺業將駐劄處所造冊詳資查核並行飭各該屯備赴任理  
 事在案惟查各廳屯備原以督率屯弁辦理屯務並稽查苗情而  
 設其分轄地方必須劃清界限方足以專責成除駐劄鳳凰廳北  
 關屯守備一員係專管操防練勇並駐劄乾州城屯守備一員係  
 專管乾州古丈坪保靖三廳縣屯務毋庸置議外其駐劄鳳凰廳  
 新場堡鳳凰廳得勝營永綏廳花園城永綏廳螺螄壩各屯守備  
 所管屯弁屯丁田畝租穀以及稽察苗情等事應分定地方令其

各依界址管轄庶免彼推此諉當經行飭鳳凰永綏二廳妥議去後茲據署鳳凰廳同知翟敏詳稱遵將<sub>卑</sub>廳上下五崗及麻陽瀘溪二縣一切屯田事務按照地方遠近派撥該守備分管茲議駐劄新場堡屯守備一員分管上五崗之大漢都桐治牙都羅黃羅水田木林七約並本城約及中前兩營苗寨並麻陽屯田事務駐劄得勝營屯守備一員分管下五崗之都吾務頭麻良溪口四約並左右兩營苗寨及瀘溪縣屯田事務又據署永綏廳同知諸加杏詳稱遵查永綏廳添設屯守備二員原以督率屯弁辦理屯務稽查苗情而設其分轄地方自應取其地界毗連相近及各寨苗情熟悉方足以專責成而收實效遵卽會同駐劄花園屯守備鄭

國鴻駐劄螺螄壩屯守備李可仁於<sub>卑</sub>廳所屬屯弁及苗寨地方週歷查勘悉心妥議查自鎮溪屯起至龍泉屯連山屯安慶屯豐和屯興盛屯楊柳屯常寧屯清平屯洞口屯太平屯止向係花園屯千總管理自應撥歸花園屯守備管轄其六七八三里苗寨均屬相近亦應歸於花園屯守備分管以便稽查又自永豐屯起至小溪屯石牛屯長慶屯木山屯裕饒屯湖水溪屯弭諾屯向係茶洞屯千總管理自應撥歸螺螄壩屯守備管轄九十五三里苗寨亦屬毗連應歸於螺螄壩屯守備分管各等情據該署道覆查無異理合具文詳請 憲臺俯賜察核批示飭遵奉批仰南布政司核明移遵具報仍候撫部院批示繳又奉 前護撫部院批據詳



已悉布政司會同按察司移飭遵照辦理仍候督部堂批示此致各等因奉此本司等覆查鳳凰乾州永綏古丈坪保靖五廳縣添設屯守備六員除駐劄鳳凰廳北關屯守備一員係專管操防練勇並駐劄乾州廳營城屯守備一員係專管乾州古丈坪保靖三廳縣屯務已有專責外惟駐劄鳳凰廳之新場堡得勝營永綏廳之花園城螺螄壩屯守備四員原未劃分界址指定地方管轄既據該署道具詳督飭鳳永二廳會同各屯備悉心履勘劃分清楚除轉移督飭遵守外緣奉前因理合具文呈報

詳請頒給添設屯守備關防

嘉慶十五年

湖南布政使司 朱紹曾

爲遵

旨等事本司等查得綠營副將以下人員凡屬獨營及職任中軍有經管兵馬錢糧之責者俱經大部頒給關防在案今南省苗疆及各廳縣均田屯勇奉文新設屯守備六員內鳳凰廳三員永綏廳二員乾州古丈坪保靖三廳縣一員原奏責成各弁操演丁勇苗兵並經管鎗械軍裝子藥督理催租等事茲辰沅道以此外尙有屯倉租穀並屯弁俸餉練勇鹽糧百總總旗馬乾丁勇惠賞歲修經費各項均須該守備查核造冊移申廳道轉詳似此在在關係緊要與綠營中軍經營錢糧之責者無異且新設屯防千總以外

僅設守備亦與獨營無殊干把均有鈐記守備自應請給關防稍示區別苗疆重地彈壓宜嚴應請由部鑄給關防以昭信守而資彈壓是否有當相應將送到關防字樣轉造清冊具文詳請 憲臺俯賜察閱 題請鑄給並請將冊咨送 大部核辦再辰沅道聲稱該守備等現已到任理事其所請 部頒關防到省尙須時日請先行刊發木質鈐記應用候由司飭令理問暫行照式刻給鈐記給發應用應候 部頒關防鑄給來南飭令呈繳查銷合併聲明

詳請頒給添設屯把總外委鈐記

嘉慶十五年

湖南布政使司 朱紹曾

爲詳咨事奉 憲臺扎據署辰沅道姚興潔詳鳳凰乾州永綏古丈坪保靖五廳縣並附近瀘溪麻陽二縣添設屯把總二員外委四員額外外委四員分司經理屯務該屯弁等均有管理屯務之責必須給發鈐記以昭信守而專責成除額外一項毋庸頒給外其把總外委均應頒給鈐記又鳳凰廳舊司坪原駐屯外委一員今議移駐靖邊堡應請更換鈐記以昭核實其原頒鈐記俟發換到日再行呈繳合將駐劄扼要地方酌擬字樣造冊詳請批司刊給等情奉批仰布政司查照冊開各鈐記轉飭理問迅速督匠照

式刊刻移道給領具報冊併發仍繳等因奉此並准該道造冊移  
司刊給前來本司等查該道造冊添設屯把總外委應刊鈐記核  
與前奉 憲臺會 奏添設屯弁員名數目相符其鳳凰廳舊司  
坪原駐屯外委一員今既移駐靖邊堡所有原頒鈐記自應更換  
應用除飭令理問所照依該道擬定字樣並查照歷來營弁刊刻  
鈐記式樣長二寸四分闊一寸三分五釐用梨木刊刻鈐記正字  
四圍背柄點錫包裹移道給領應用並移飭將原領舊司坪屯外  
委鈐記呈繳查銷外查各營武職官弁應用鈐記由司刊頒例應  
將刊刻字樣造冊詳咨 大部立案又從前設立屯弁所需鈐記  
係照營制例由司刊頒亦經將刊刻字樣造冊詳咨在案今添設

屯把總二員外委四員及移駐屯外委一員需用鈐記由司刊頒

緣由相應造具清冊詳請 憲臺俯賜查閱咨送 大部查核

計開

添設屯把總二員

鳳凰廳分駐舊司坪堡屯把總鈐記

永綏廳分駐高巖倉屯把總之鈐記

添設屯外委四員

鳳凰廳管理軍裝局屯外委之鈐記

乾州廳分駐坪朗堡屯外委之鈐記

永綏廳分駐螺螄壩屯外委之鈐記



均屬無多未便計缺定額應令各該管大臣隨時察核果有人材出眾准其薦舉一員以示鼓勵嗣後凡遇軍政之年或合式人員不敷定額則甯闕毋濫仍於本內聲明缺額幾員下次仍可照依定額倘有濫舉充數即將原保上司照例議處等因在案查嘉慶十二年十月起至嘉慶十七年十月又屆軍政之期相應具 題請

旨俟

命下之日 臣部通行內外各衙門遵照節年欽奉

諭旨及條奏各款查核辦理副將以下官員應卓異者查照定額照舊卓異於合例人員不敷甯闕毋濫應劾官員確案實蹟詳細登註

通為一本參奏其不入計典照常畱任者並令填註考語造冊送部俱於嘉慶十七年十月以內具 題到部十一月 臣部會同都察院兵部京畿道察核具 題 臣等未敢擅便謹 題請

旨於嘉慶十七年二月初一日 題本月初二日奉

旨依議欽此等因到本部堂准此除移行遵照辦理外查湖南省嘉慶十四等年內 奏准添設屯守備六員屯千總六員茲值軍政之年應否將該屯守備千總歸於湖南省營員之內一體薦舉卓異參劾及照常畱任分別 題咨抑或屯守備千總為數無多隨時查察核辦毋庸歸於營員軍政案內辦理舉劾之處事屬創始相應咨詢為此合咨貴部請煩查核迅賜示覆以便遵辦施行等

湖南古蹟正考 卷十二  
因嘉慶十七年八月初四日准兵部咨開職方司案呈准湖廣總督馬 咨稱湖南省嘉慶十四年內 奏准添設屯守備六員屯千總六員茲值軍政之年應否將該屯守備千總歸於湖南省營員之內一體舉劾抑或隨時查察辦理毋庸歸於營員軍政案內辦理之處事屬創始相應咨部示覆等因前來查湖南省苗疆處所新設屯守備千總等官十二員為數無多毋庸計缺定額其舉行軍政之處自應歸入該省營員額缺之內一體辦理咨覆該督可也

詳覆綏靖鎮稟請分撥鎮守練勇

嘉慶二十年

辰沅姚興潔

為移會確核安議事嘉慶十九年十一月二十日蒙 前署藩憲

徐 咨開本月初二日奉 督部堂馬 批據 綏靖鎮海

稟裁汰永綏廳標兵議撥鳳凰練勇駐劄花園等緣由奉批查鎮守練勇係為鳳凰廳四面環逼苗巢而設因地制宜已久未便輕議更張仰南布政司即再移會辰永沅靖道併案確核安議覆奪此繳稟鈔發等因批司移道准此除三廳標兵業經另案詳奉奏請裁汰毋庸置議外伏查三廳苗情良莠不齊惟鳳凰廳左右二營黑苗最為強悍桀驁難馴當改土歸流以來鎮守即設有

清江直隸州志 卷十二  
鎮道廳營扼要控制乾州永綏各營從前本係歸鎮筭鎮管轄平  
苗案內始分設鎮協而綏靖一鎮僅分左右二營兼轄保靖一營  
營制輕重懸殊其自嘉慶二年戡定以後鳳屬上下五崗仍被花  
黑等苗時出焚掠鎮乾大路被其梗塞且擾及辰浦麻瀘等處後  
路民村亦難安枕經傅臬司在廳任內竭盡心力百計防維先於  
後路安扎壘堡於沿邊修建礮卡墻濠一面招募勇丁多方訓練  
親身帶領不避險阻往來堵禦血戰數十次稍鋤強梗迨鳳屬邊  
備漸密復將曬金塘舊司坪黃土均等處險要各寨以次勦匪  
苗始不敢出擾至嘉慶十年又將苗巢極深之高都兩頭羊等匪  
寨剪除積惡淨盡又收繳鎗械以絕根株全局震懾威稜方知真

心嚮化是以鳳苗勦撫幾及十載沿邊礮卡多至八百餘座守邊  
屯勇定以四千人鳳屬士民首倡屯田養勇於本境均出歸公田  
土又均麻瀘民田以資屯守其餘苗弁苗兵亦皆倍於各廳誠以  
鎮筭苗寨既較永乾多至數百而廳志所稱四十八寨苗獠自來  
兇悍地勢情形亦非乾永可比歷年以來蒙 前各憲洞察鎮筭  
苗情喫重爲楚邊之咽喉後路之屏障計圖久安長治不遺餘力  
嘉慶十年又蒙 陛任撫憲阿 親歷苗疆酌籌經久章程 奏  
准挑畱鳳凰廳練勇一千名專駐鎮筭畱備攻戰之用先後添設  
守備一員千總二員把總二員外委二員額外二名責司管帶常  
川合隊操演而一千名之內設有馬糧三十分及百總總小旗戰

守名目俱全又照營制演習陣圖分設鳥鎗弓箭籐牌技藝於鎮城特設教場并修建勇房二百間屯弁各衙署官房以資棲止興潔在鎮與傅臬司同厯戎行多年共事深知其經營安設均非易易蓋以畱此練勇一千名在於鎮算則威聲不替足以潛制黑苗狡悍之心並非安不忘危虛糜糧餉在可裁可分之例也若夫承綏苗情本較馴順前因戡定時撤出苗寨營汛以厚兵力廳城孤懸苗巢又因黔邊未經修守不足示威匪苗仍得逞其譁張然亦只在本境不靖迨廳員內移花園與綏靖鎮同城協營改駐茶洞鎮協官兵一律撤至沿邊安割自八排寨起至老鴨塘止計程四十九里係承綏協汛地自依棲汛地起由廳城至導福汛止計程

五十四里係綏靖鎮汛地統計沿邊共僅一百零三里聲威已極聯絡其西面黔邊於楚黔兩省會議修守案內並已建築碉卡互爲聲援又於螺螄壩地方新設楚省守備一員弁兵二百名更爲周匝卽北面茶洞雖與四川之洪安汛接壤中隔一河該處旣設有協將大員重兵駐守自可無虞又查鎮筵西南一路自四路口起經廖家橋樂濠浪中江至貴州之亭子關止又自浪中江至落湖井各交界止東北一路由四方井厯得勝營曬金塘舊司坪至乾州之木林坪交界止沿邊共計長二百三十五里其中礪卡林立並設邊牆一百餘里較之承綏一廳其險要綿長又早經各憲按臨鈞察無俟贅陳至謂承苗倘有滋事若恃鳳凰之練勇



海軍官制正考 卷十一  
三  
為援鞭長莫及殊不思當日永苗龍六生石宗四滋擾兩案皆經  
傅臬司在廳任內帶同興潔率領練勇前往剿辦一戰而定且嘉  
慶六年黔省石峴匪苗滋事亦經興潔隨同傅臬司帶勇協辦巖  
屯溝上下潮等寨即行蕩平雖隔省數百里之外深寨苗巢亦曾  
資練勇援剿即興潔接署道篆以後如前此姚樟等覬覦苗地糾  
眾不法及乾州之莊上坪苗人邀約抗租流言四起又經興潔酌  
帶練勇前往彈壓立時查拏究辦節經興潔奏報在案是練勇雖駐  
劄鳳凰廳而於乾永等處聲息相通非同袖手旁觀也伏思苗疆  
邊備皆係因地制宜自傅臬司故後疊次欽奉  
諭旨恪守舊章不得更易練勇專駐鎮算久已相安日久若果可以分

撥 各前憲亦必早經籌畫今 海鎮臺稟請撥練勇三四百名  
駐劄花園固為防維永綏一隅之地起見似未將全邊苗情輕重  
大局通盤計慮况此次 海鎮臺議裁三廳標兵誠以有用之兵  
置之無用之地故將標兵議裁今又稱分駐練勇則所汰標兵可  
免無歸廳員辦公不致掣肘等語一百標兵既稱無用又何須添  
此數百練勇乎是其前後辭意亦屬互異至練勇按期操演時須  
合隊用壯聲威若分駐各廳勢必情形渙散漫無統率轉有兵單  
之慮且各項事宜皆須紛紛更易兼恐窒礙難行又每年應給鹽  
糧半係徵收瀘麻租穀分別變價支給照傅臬司所定各處應解  
數目由各廳解交並非悉由永綏辦解此項穀石亦斷不能在永

綏廳全行變售卽籌款支銷已奉 撫憲核定恐亦非分撥練勇  
 再能樽節糜費也緣奉飭議合將鳳凰永綏實在情形縷晰陳明  
 而事關更易舊章誠如 督憲批示因地制宜已久未便輕議理  
 合具文申覆

詳明屯弁催租核計功過

嘉慶二十一年

湖南布政使司 翁元圻

為遵批議詳事本司查苗疆各廳縣均田屯勇設立屯備弁各員  
 除管帶練勇之屯備弁專管操防外其餘備弁原議責成催租查  
 田等事前因屯防田土原定租籽每年收不足數當奉委員按田  
 履勘按則核實酌減奏准定以每年額租九萬九千九百八十八  
 石三斗九升較之原額已減去五千五百石佃力已紓催征自易  
 乃十九年租籽甫經定額據辰沅道查報征至十二月中旬尙短  
 至二萬數千之多實屬各屯備弁催租不力因循怠玩所致若不  
 分別黜陟示以勸懲殊於屯務有關應如該道所議此後屯備弁  
 催徵租籽按其定額核其收數之多寡如能按數收清者懇予記

名陞拔收不足數者分別記過停陞俟次年帶征完繳足數再與開復若缺額數多而催征不力者卽行參革而督催之該管屯守備亦按盈絀分別黜陟經營屯租之屯長亦於截數時分別獎賞革退責成該道於每屯租截數時秉公分別通詳辦理所有十九年屯租承催屯弁功過俟截數後卽由該道查照規定章程彙案稟辦以昭懲勸緣奉批議理合核議詳請 憲臺察閱 批示

通飭丁勇對調章程

嘉慶二十年

辰沅 姚興潔

照得屯丁專論功業練勇全資技藝是以分設備弁各歸專轄本屬兩不相涉立法不容混淆嗣因練勇中間有曾經出師年老難任差操請調歸屯以終餘年前道念其勞績准於屯丁對調不過格外施仁並非作為定例乃查邇來調屯調隊該備弁等紛紛轉詳竟若視為常例甚至有守勇而請調屯百總散總而請調戰馬勇者相率效尤殊屬不成政體推求其故練勇本無功業或自知技藝平常或病老不勝差操恐經本官斥革於是夤緣調屯既可於已身溫飽以終並可爲子孫世承其業是以無業之人一旦變爲有業而屯丁本有功業因受該勇賄囑乘其年力精壯兼有技

藝亦遂願調歸隊及歸隊之後稍不遂欲仍得自成功業求補屯丁並或抹煞前案復改歸屯是有業之人仍得不失其業至於戰守勇請調屯百總不惟遇有額外缺出便得與考並且再請調換回隊即可不必考拔而自得馬糧種種機巧莫此爲甚若不明定章程予以限制日久相沿益滋弊竇嗣後凡有丁勇呈請調換者該管屯備弁一移冊檔所查明願調歸屯之練勇必須有業歸公柱下曾否補丁或補過幾丁尚有餘業並實係陣亡之子孫冊載有名核與補丁之例相符方准歸屯一移北關守備考驗願調歸隊之屯丁如果藝技可觀年力精壯方准歸隊丁業勇藝兩相符合然後再由北關守備會同冊檔所委員會銜詳廳復核賚道並

止准散丁與守勇對調屯小旗總旗百總准與隊小旗總旗百總各以其次對調概不得越次詳請既調之後無論年分遠近並不得再請調回以杜倖進而絕賄弊除先經准調之丁勇姑免改撤外合行通飭爲此札仰該廳即便轉飭遵照通飭章程辦理毋任徇違切切此札

屯備弁勇丁總數  
 鳳凰廳  
 北關屯守備一員專管操防練勇  
 管帶同全坡練勇屯千總一員

屯備弁勇丁總數

一屯弁

鳳凰乾州永綏古丈坪保靖五廳縣於嘉慶十年酌籌湖南  
 苗疆均屯經久章程案內 奏設千總六員把總八員外委  
 十三員額外十三名共四十員名又於十四年 奏請添設  
 屯守備六員把總二員外委四員額外四名通計五十六員  
 名

鳳凰廳

北關屯守備一員專管操防練勇  
 管帶同全坡練勇屯千總一員

分帶把總一員

屯外委一員

屯額外一名

管帶新塲堡練勇屯千總一員

分帶屯把總一員

十三屯外委一員

屯額外一名

軍裝局屯外委一員

子藥局屯額外一名

新塲堡屯守備一員分管上五崗之大漢都桐治牙都羅黃

羅水田木林七約並本城約及中前兩營苗寨並麻陽縣

屯田事務

分駐永安卡屯千總一員

分駐羅天寨屯外委一員

分駐浪中江屯外委一員

分駐永安卡屯額外一名

分駐廳城西倉屯額外一名

分駐新塲倉屯額外一名

分駐麻陽縣城屯把總一員

分駐麻陽縣巖門屯外委一員

分駐麻陽縣拖冲屯外委一員

分駐麻陽縣石羊哨屯額外一名

得勝營屯守備一員分管下五崗之都吾務頭麻良溪口四

約並左右兩營苗寨及瀘溪縣屯田事務

分駐得勝營屯千總一員

分駐舊司坪屯把總一員

分駐定勝卡屯外委一員

分駐靖邊卡屯外委一員 原駐舊司坪嘉慶十四年移駐

分駐得勝營屯額外一名

分駐瀘溪縣浦市屯把總一員

分駐瀘溪縣四都坪屯外委一員 並六十八三里苗寨

分駐瀘溪縣狗羸巖屯額外一名 與山安與豐味與盛等寨

乾州廳

乾州屯守備一員駐廳城專管乾州古丈坪保靖三廳縣屯務

分駐新街堡屯把總一員

分駐坪朗堡屯外委一員

分駐灣溪屯外委一員

分駐馬頸坳屯額外一名

分駐大壩坪屯額外一名

古丈坪廳

分駐古丈坪龍鼻嘴屯把總一員

分駐古丈坪屯額外一名

保靖縣

分駐保靖縣屯外委一員

分駐印山臺屯外委一員

分駐水蔭場屯額外一名

分駐馬路堡屯額外一名

永綏廳

花園屯守備一員分管鎮溪龍泉連山安慶豐和興盛楊柳

常甯清坪洞江太平十一屯屯務並六七八三里苗寨

分駐花園屯千總一員

分駐花園屯額外一名

分駐獅子橋屯把總一員

分駐吉洞坪屯外委一員

分駐龍團倉屯額外一名

螺螄壩屯守備一員分管永豐小溪石牛長慶木山裕饒湖

水溪弭諾八屯屯務並九十五三里苗寨

分駐茶洞堡屯千總一員

分駐茶洞堡屯額外一名

分駐弭諾屯把總一員



分駐高巖倉屯把總一員

分駐潮水溪屯外委一員

分駐螺獅墘屯外委一員

一練勇

鳳凰廳備戰練勇一千名

百總十名

總旗二十名

百總總旗各給操馬一匹

小旗一百名

以上共一百三十名再於散丁內挑選一百七十名共足三百名令其教習各丁

散丁八百七十名

一屯丁

鳳凰廳屯丁四千名

百總四十名

總旗八十名

小旗四百名

散丁三千四百八十名

上五崗一千名下五崗三千名

乾州廳屯丁六百名

百總六名

總旗十二名

小旗六十名

散丁五百二十二名

永綏廳屯丁二千名

百總二十名

總旗四十名

小旗二百名

散丁一千七百四十名

古丈坪廳屯丁一百名

百總一名

總旗二名

小旗十名

散丁八十七名

保靖縣屯丁三百名

百總三名

總旗六名

小旗三十名

散丁二百六十一名

以上五廳縣共屯丁七千名 計百總七十名 總旗

一百四十名 小旗七百名 散丁六千零九十名

附老幼殘廢丁

鳳凰廳老幼丁一千二百名

永綏廳老幼丁八百名 殘廢丁三百名



以上苗守備千把外委四十八名  
挑畱戰守苗兵八百名 計戰兵一百六十名 守兵六百四十名

永綏廳

五里苗守備二名	千總二名	把總四名	外委八名
上六里苗守備二名	千總三名	把總六名	外委十名
下六里苗守備二名	千總二名	把總五名	外委九名
上七里苗守備二名	千總三名	把總四名	外委八名
下七里苗守備二名	千總三名	把總六名	外委十二名
八里苗守備二名	千總三名	把總四名	外委十一名
九里苗守備二名	千總六名	把總五名	外委二十六名

上十里苗守備二名	千總三名	把總七名	外委十六名
下十里苗守備二名	千總三名	把總六名	外委十五名
以上六里苗守備千把外委共二百一十二名			
挑畱戰守苗兵一千八百名	計戰兵三百八十名	守兵一千四百二十名	

古丈坪廳

苗守備一名	千總二名	把總四名	外委十二名
以上苗守備千把外委共十九名			
原額挑畱苗兵一百名	俱係守兵		

保靖縣

苗守備四名 千總九名 把總十二名 外委三十一名

以上苗守備千總把總外委共五十六名

挑畱戰守苗兵三百名 計戰兵六十名 守兵二百四十名

以上五廳縣共設苗守備三十二名千總六十五名把

總一百二十六名外委二百六十三名總共四百八

十六名 挑畱苗兵五千名 計戰兵一千名 守

兵四千名

不千里苗守備千總三名 挑畱六名 外委十五名  
土苗苗守備千總三名 挑畱七名 外委十六名

奏會籌酌給新設土備弁餉銀摺 嘉慶二年

湖廣總督畢沅

奏為會籌酌給苗疆新設土弁餉銀以資撫輯恭摺奏請

**聖鑒**事竊查鎮筸所屬之四營永綏所屬之六里地方遼闊向係羣苗

錯處之區 臣等查照和琳奏定章程於各路降苗內擇其明白曉

事眾所推服者照各省土官之例酌放土守備土千把外委等缺

其苗戶較多之處每一寨有放二土備者其苗戶較少之處有

以一土備兼管數寨者其下層次放有土千總外委隨同管理苗

民除前此驗充拔補外 臣等續又隨時驗放共計前後所放苗弁

自守備以至千把外委約四百餘人該土備等頂感

皇上深仁厚德遇有差遣無不踴躍爭先力圖報效惟查該苗弁等現既得有官職此後凡有苗人爭鬪竊盜等事自應責成伊等查辦且苗疆戡定現在清查田產撫馭苗寨正值伊等分頭辦理之時往來聽差不無所費若不酌給錢糧恐其藉端刻薄苗人轉滋弊竇伏查和琳具奏善後各條內請給該苗弁等錢糧仰蒙

皇恩允准在案臣等查四川屯練降番案內土守備一名每年給銀二十兩土千總一名每年給銀十六兩土把總一名每年給銀十二兩土外委一名每年給銀八兩今此項苗弁僅令管束本處苗民本與川省雜谷金川之屢奉征調者有間自應酌量遞減以示區別臣等會籌酌議將苗守備一名每年給銀十六兩苗千總一名

每年給銀十二兩苗把總一名每年給銀八兩苗外委一名每年給銀六兩另行籌款歸於鎮筵道按季支放計算苗備一名每年所得餉銀十六兩尙不及各營戰兵一年餉額其下各弁以次遞減在外委一名更不比守糧一分得此四百餘名苗弁遇有地方差遣等事較之添設官兵數百名更爲得力省費事半功倍如蒙聖慈俞允該苗弁等既得體面又得餉銀自更互相効順不敢爲匪實屬籠絡羈縻以苗治苗之良法此項苗弁現俱點充給劄將來察看苗眾是否始終悅服仍令該管文武隨時查核稟請督撫提臣等分別升降賞革以示勸懲再保靖縣自改土歸流以後所屬十六都內有六七八三都地方專管苗人寨落亦應一體設立苗弁

酌給餉銀以資約束合併聲明除俟設定之後分別造冊咨部查核外所有會籌酌給苗疆新設土弁銀兩理合恭摺具奏嘉慶二年四月初三日奉

硃批軍機大臣會同該部詳議具奏欽此

前案部議 嘉慶二年正月准咨 戶部咨開湖廣司案呈先准暫署湖廣總督姜晟咨稱據湖南按察兩司會同糧儲道鹽法道詳稱准 兵部咨大學士等奏酌給苗疆新設土弁餉銀一摺嘉慶二年四月初九日奉 旨依議欽此當經移行遵照辦理去後茲准辰沅道成甯造具驗放苗弁姓名寨落清冊移送前來查冊開乾鳳永三廳及永順保靖二縣共設苗守備三十二名苗千總六十五名苗把總一百二十六名苗外委二百六十三名以上總共四百八十六名苗守備每名每年給銀十六兩共需銀五百一十二兩苗千總每名每年給銀十二兩共需銀七百八十兩苗把總每名每年給銀八兩共需銀

前案部議

嘉慶二年正月准咨

戶部咨開湖廣司案呈先准暫署湖廣總督姜晟咨稱據湖南按察兩司會同糧儲道鹽法道詳稱准 兵部咨大學士等奏酌給苗疆新設土弁餉銀一摺嘉慶二年四月初九日奉

旨依議欽此當經移行遵照辦理去後茲准辰沅道成甯造具驗放苗

弁姓名寨落清冊移送前來查冊開乾鳳永三廳及永順保靖二縣共設苗守備三十二名苗千總六十五名苗把總一百二十六名苗外委二百六十三名以上總共四百八十六名苗守備每名每年給銀十六兩共需銀五百一十二兩苗千總每名每年給銀十二兩共需銀七百八十兩苗把總每名每年給銀八兩共需銀

湖南苗防事宜 卷十二  
一千零八兩苗外委每名每年給銀六兩共需銀一千五百七十八兩以上四項總共需銀三千八百七十八兩每年應給銀兩請照依乾隆四十七年鎮守等協營額設苗目工食之例在於司庫地丁銀內動支所有本年應給各苗弁工食應請自嘉慶二年四月初九日奉

旨之日起至年底止先由辰沅道在於撥解畱防軍餉銀內動支由司在於地丁款內解還歸款至嘉慶三年應給銀兩由辰沅道赴司請領按季支發每年將發過各苗弁工食銀兩分晰造冊送司專案咨銷理合將送到清冊及每年應給苗弁餉銀細數並應動銀款具文咨請戶兵二部示覆等因隨經本部將湖南乾鳳永三廳

及保靖永順二縣從前議覆摺內設立苗弁四百餘人今請添設四百八十六名應否照議之處移咨兵部定議咨覆過部以便核辦去後今於嘉慶二年二月准兵部咨稱據該督冊造苗守備千總外委四項分晰地方添設共計四百八十六名本部核與原議相符相應咨覆戶部等因前來查先經軍機大臣議覆原任湖廣總督畢沅等奏鎮守所屬之四營永綏所屬之六里地方遼闊向係羣苗錯處之區照各省土弁之例酌放土守備等缺自守備以至千把外委前後所放約四百餘名惟該苗弁等既得有官職若不給予錢糧恐其藉端勒索刻薄苗人轉滋弊竇應酌量苗守備每名每年給銀十六兩苗千總每名每年給銀十二兩苗把總每



名每年給銀八兩苗外委每名每年給銀六兩另行籌款歸於鎮  
算道按季支放至保靖縣自改土歸流之後所屬地方有係苗人  
寨落自應一體設立苗弁酌給餉銀以資約束統俟設立之後分  
別造冊咨部經本部行文該督撫等遵照在案今據兵部覆稱該  
督冊造苗弁共計四百八十六名核與原議相符所有該署督聲  
稱新設苗守備三十二名每名每年給銀十六兩苗千總六十五  
名每名每年給銀十二兩苗把總一百二十六名每名每年給銀  
八兩苗外委二百六十三名每名每年給銀六兩統共需銀三千  
八百七十八兩請照依鎮算鎮協營額設苗目工食之例在於司  
庫地丁銀內動支所有本年應給各苗弁工食自四月初九日奉

旨之日起至年底止先由辰沅道庫於撥解畱防軍餉內動給仍俟領  
到地丁解還歸款至嘉慶三年應給銀兩由該道赴司請領按季  
支放每年將發過銀兩造冊專案咨銷之處均應如所咨辦理仍  
咨覆該督可也



尙未甯靜各苗弁謁見文武官員之日尙少自嘉慶十年勦辦永綏匪寨之後各處苗人均已歸誠向化於內地民人無異苗備等凡遇地方公事常川來城謁見除鎮道廳協營縣係地方大憲及專管之官自應具銜名手本叩頭跪見其餘文職如教佐各員武職如千把外委等營苗備等謁見之時應如何行禮遇有公事是否俱用稟呈途中相遇應如何迴避均未奉有明示苗備等生長邊隅未識禮節誠恐稍有僭越則獲咎匪輕理合具稟臺前俯賜詳請 大憲頒發儀注以便永遠遵行實爲公便等情據此查湖南省苗疆各廳縣從前只設立百戶自嘉慶元年苗疆善後事宜案內奉 各大帥 奏准鳳凰乾州永綏古丈坪保靖五廳縣共

設苗守備三十二名苗千總六十五名苗把總一百二十六名苗外委二百六十三名由廳縣保舉送道驗看具詳

督撫憲咨移

提軍會印給劄拔補令其管束散苗並委辦苗務該苗備弁等謁見鎮道廳協營縣係地方大員及專管之官自應具銜名手本叩頭跪見其謁見佐雜及營守備千總外委應如何行禮遇有公事是否均用稟呈從前議設苗官時並未奉有明文職道署中亦無例案可稽茲據各苗備弁請示前來理合具情轉詳 憲臺俯賜察核查明苗備弁等謁見佐雜及營守備千把外委各官儀注 頒發飭遵爲此具詳

苗疆善後事宜案內因  
從前原設百戶寨長約束苗人嘉慶元年苗疆善後事宜案內因  
百戶等人微權輕苗眾不能聽其約束經 宮保伯部堂和 奏  
准酌量寨落多寡設立苗守備千總把總外委責令管束苗人凡  
苗人格鬪竊盜等事即著落該苗弁等緝拏辦理並經管遞送公  
文應付差使職任攸關未可草率茲核原奏內稱擇其明白曉事  
眾所推服者點充由督撫衙門給劄歸地方官鈐束而於該苗弁  
等事故出缺其應如何考拔之處未經議及檢查歷年辦過成案  
或送道驗拔飭詳或拔定詳道核轉辦理殊覺參差惟思弁缺大

酌定拔補苗弁章程飭知

道光二年

護辰 沉道 張應蛟

為飭知事照得鳳乾永古四廳及保靖一縣地方遼闊羣苗雜處  
從前原設百戶寨長約束苗人嘉慶元年苗疆善後事宜案內因  
百戶等人微權輕苗眾不能聽其約束經 宮保伯部堂和 奏  
准酌量寨落多寡設立苗守備千總把總外委責令管束苗人凡  
苗人格鬪竊盜等事即著落該苗弁等緝拏辦理並經管遞送公  
文應付差使職任攸關未可草率茲核原奏內稱擇其明白曉事  
眾所推服者點充由督撫衙門給劄歸地方官鈐束而於該苗弁  
等事故出缺其應如何考拔之處未經議及檢查歷年辦過成案  
或送道驗拔飭詳或拔定詳道核轉辦理殊覺參差惟思弁缺大

小各殊各廳縣道路遠近不等若均由廳縣揀拔具詳固屬漫無區別然俱令紛紛送道驗拔又恐曠職誤公酌定嗣後遇有苗弁缺出除附郭鳳凰廳無論守備千總把總外委照舊送道驗拔飭知詳辦外其乾州永綏古丈坪保靖各廳縣應先將苗弁出缺緣由具文報道如守備千總由廳揀選年深幹練應拔之弁二三名開具履歷事實保送赴道驗取拔補如把總外委徑由廳縣查驗拔補詳道核轉其拔補所遺係千總缺仍照前由廳縣送道驗取辦理係把總外委缺仍照前由廳縣驗拔具詳如此立定章程庶歸畫一而昭慎重此札

苗弁割付

湖南巡撫部院  
湖南總督部堂  
湖南提督軍門

為給割事照得楚南三廳苗人向俱設有該

管百戶勾攝地方公事歸於三廳文武衙門約束百數十年以來均極安帖先年因有不法癩苗妄作不靖幸蒙

皇恩寬大

勦撫兼施凡有効順良苗胥得安居所有一切差徭章程經

前部院會同籌定以期永遠遵行因苗眾生齒日繁良莠不一僅

設百戶經管不足以資彈壓爾等苗人中明白曉事者頗不乏人

以苗官治苗人管束查察自為得力 奏明按照各營分添設苗

守備千總外委等官層遞約束酌分界址點派員名以專責成茲

遴選得苗寨長某堪以承充某寨苗外委除另行刊刻條記頒發

外合就給劄爲此劄仰該苗外委某即便遵照嗣後爾等應歸文武各地方官鈐束遇有要緊公務聽候調遣該管界內苗人聽爾約束凡有口角細故許爾秉公調處如有不安本分作奸犯科者卽拏解本轄文武衙門以憑訊審辦理務須嚴切稽查隨時訓約俾得各安寨落長享

昇平爾果能一秉至公眾心悅服定卽按等以次升擢倘敢怠惰偷安貽誤公事或任性驕縱或派累滋事以至苗情攜貳定卽斥革究辦按法創懲勉旃毋忽所有禁約各條開列於後須至劄者

計開

一督撫提鎮查閱營伍巡視邊境務於交界處所伺接以備查詢

地方情形

一文武大員巡閱經由苗地需用人夫該外委卽傳所管苗人與漢人一體當差聽候按名按日照例給價其餘一切官員往來苗地均應自僱長夫概不准沿途擅行索用以杜擾累

一苗境內塘汛漢兵業經裁撤其往來大路原設塘汛處所著落該外委照依所管界址挑選妥幹苗人分別安設防守專司遞送文報並公務差遣仍候酌給錢糧以示體恤

一苗境內出產硝磺處所現經地方官嚴查封禁所有苗民私蓄烏鎗亦經給價收買以期淨盡嗣後該外委務須隨時稽查如有私行偷挖配造火藥及私製烏鎗者立卽拏獲解交該管廳官衙

門究辦倘敢漫不經心一經查出惟該外委是問

一民苗買賣業經酌定在於交界處所設立場市定期交易務須彼此公平不得居奇昂價除飭地方官嚴禁田畝易換什物以杜侵佔盤剝外該外委每遇場市之期稽查彈壓毋許爭競滋事

一添設官員原爲綏靖苗疆起見該外委時加訓飭俾得共曉大義除苗民口角微嫌許爾就近調處外倘遇鬪格傷人以及搶奪偷竊等事立即拏解該管廳官衙門聽候訊辦毋稍疏懈

一地方風俗日久相沿總以安靜爲主惟爾等苗寨向有聚眾吃血彼此仇殺名爲打冤家其風斷不可長又有託名禳解宰牛做鬼妄播謠言均係違條犯法嗣後爾等苗民如有彼此欺凌之事

該外委等卽應善爲調處並呈明文武衙門秉公伸理如做鬼等事不但毫無應驗徒使搖惑人心而且費用不貲有誤生計該外委應於所管寨落善爲開導禁止以歸淳樸

--	--	--	--	--	--	--	--	--	--	--	--	--	--	--	--	--	--	--	--	--

附錄

稟挑練選鋒按月捐廉給獎以期悉成勁旅

光緒五年

辰沅道 但湘良

再稟者竊查湘省自用兵以來歲需浩繁現在司道各庫日形支絀欲求補救之方惟有撙節之法前奉 憲臺飭將防黔各軍調回楚邊酌量去畱仰見 大人於慎重餉需之中仍寓保衛地方之意第畱防各軍能暫而不能常不如操習額軍可戰而亦可久查鎮筵除鎮標額兵經唐鎮訓練已見成效外道標練勇一千名素稱精銳從前迭奉調派隨征所向有功近來邊境肅清練勇安閒難保不暇逸怠惰夫征調事非恆有而訓練亟宜講求如果紀律嚴明同心努力則邊防可備千城之選卽行軍亦有禦侮之師



而西路各防營亦可漸議酌裁以節餉需而收實效職道猥以輕材謬膺重任到任以來當即嚴定章程將道標練勇責成備弁按月分期操演由職道隨時校閱其疲弱無用者即行裁革另選拔充並於額內陸續挑取技藝嫻熟膂力尤壯者三百人仿照選鋒之法練為親兵預備調遣並非格外添募於口糧外按月捐給獎賞以示鼓勵數月以來兵情踴躍操練已有可觀餘仍陸續勤加訓練以期悉成勁旅此皆職道分所當為何敢瑣瑣上瀆惟念大人垂厯邊徼用敢將現在情形附陳是否有當伏祈訓示祇遵

附錄 稟挑選練勇按月捐給獎銀各勇咸知感奮光緒六年

辰沅 但湘良

敬再稟者竊照職道前稟於道標練勇一千名內挑選技嫻力壯者三百名練為親兵預備調遣按月捐廉給予獎賞以示鼓勵餘仍勤加訓練緣由接准臬司咨奉 憲臺批示道標勇丁向稱精銳如勤加訓練自可悉成勁旅今該道督率備弁按月分期操演並挑選技嫻力壯者三百人做照選鋒之法由道按月捐給獎賞於地方大有裨益仰即如稟立案等因奉此職道遵即明定章程按月由道親加校閱六次每次賞犒銀二十餘兩迄今將及一年各勇咸知感奮技藝極為嫻熟可資禦侮其餘練勇亦經督飭備

弁按月操演職道仍當認真訓練務期精益求精毋任始勤終懈  
藉以仰副 大人修明武備之至意合將挑選練勇三百名按月  
捐廉給賞訓練成熟緣由具稟 憲臺察核

湖南官防司正考  
卷十一  
五

